



Služba za komunalne djelatnosti,
vodne resurse, zaštitu okoliša i
inspekcijske poslove

Department for utility services, water
resources, environmental protection and
inspection affairs

Odsjek za komunalne djelatnosti, vodne resurse i zaštitu okoliša

Broj: 06/1-19/9-3817/25
Velika Kladuša, 30.12.2025. godine

JP RTV VELIKA KLADUŠA
77230 VELIKA KLADUŠA

PREDMET: Obavještenje, dostavlja se-

Poštovani,

Potrebno je da u svom programu emitujete obavijest sljedećeg sadržaja:

„Obavještavaju se svi poslovni subjekti koji na području općine Velika Kladuša u obavljanju svoje registrirane poslovne djelatnosti koriste dostavna vozila koja nisu registrovana na području Unsko-sanskog kantona, zatim poslovni subjekti koji drže poslovne prostore u kojem se priređuju klasične igre na sreću i posebne igre na sreću kao i poslovni subjekti koji koriste aparate za posebne igre na sreću, da su obveznici plaćanja komunalne takse počevši od 1.1.2026. godine, u skladu sa Odlukom o komunalnim taksama i tarifi komunalnih taksa („Službeni glasnik Općine Velika Kladuša“, broj: 9/22, 10/25, 15/25 i 17/25).

U skladu sa članom 8. Odluke o komunalnim taksama i tarifi komunalnih taksa, obveznik komunalne takse je dužan prije početka korištenja predmeta, prostora ili pružanja usluga za čije korištenje je propisano plaćanje komunalne takse, podnijeti prijavu za razrez takse, na propisanim obrascima, nadležnom organu. Prijava za razrez takse podnosi se do 31. januara godine za koju se razrez vrši.

Inspekcijski nadzor nad primjenom Odluke o komunalnim taksama i tarifi komunalnih taksa vrši općinska komunalna i urbanističko-građevinska inspekcija, koje mogu u skladu sa članom 21. Odluke kazniti svako pravno lice, odgovorno lice u pravnom licu kao i fizičko lice koje obavlja svoju registriranu poslovnu djelatnost, ako postupi suprotno odredbama člana 8. i 9. Odluke.

Obrascе prijava za komunalnu taksu možete preuzeti na web stranici Općine Velika Kladuša, www.velikakladusa.gov.ba, ili u Službi za komunalne djelatnosti, vodne resurse, zaštitu okoliša i inspekcijske poslove Općine Velika Kladuša, gdje možete dobiti sve dodatne informacije. Popunjenu prijavu možete predati putem pošte ili lično na protokol u zgradi Općine svakim radnim danom od 7,30 do 16,00 h“.

S poštovanjem.

Dostaviti:

1. Naslovu,
2. Službena internet stranica Općine,
3. Odsjeku za inspekcijske poslove (na znanje),
4. u spis.

Po ovlaštenju Općinskog načelnika
Šef Odsjeka za komunalne djelatnosti,
vodne resurse i zaštitu okoliša
Zlatan Šertović, dipl.pravnik

